




ҚОНУНЧИЛИКДАГИ ЯНГИЛИКЛАР



“ADOLAT” шарҳи

ДАВР ТАҚОЗОСИ, ЗАМОН ТАЛАБИ

“Ўзбекистон Республикасининг айрим қонун ҳужжатларига сайлов ва референдум ўтказиш тартибини янада такомиллаштиришга қаратилган ўзгартириш ва қўшимчалар киритиш тўғрисида”ги Конституциявий қонун лойиҳасида мамлакатимиз сайлов тизимига аралаш (мажоритар, пропорционал) сайлов тизimini жорий этиш ва шу орқали Олий Мажлис Қонунчилик палатаси депутатлари сайловини янги тизим асосида ўтказиш, бир мандатли сайлов округлари бўйича овоз беришда иштирок этган сайловчиларнинг ярмидан кўпчилиги (мутлақ кўпчилик) эмас, балки бошқа номзодларга нисбатан кўпроқ (нисбий кўпчилик) овозини олган номзод депутат этиб сайланган деб ҳисобланишини назарда тутувчи муҳим ва долзарб янгиликлар тақлиф этилмоқда.

Худоёр МАМАТОВ,
Марказий сайлов комиссиясининг котиби,
Юридик фанлар доктори, профессор.

Амалдаги Ўзбекистон Республикаси Сайлов кодексининг 67-моддасида Олий Мажлис Қонунчилик палатаси беш йил муддатга сайланадиган бир юз эллик нафар депутатдан иборат эканлиги, 9-моддасида Қонунчилик палатаси депутатлари сайловини ўтказиш учун бир юз элликта ҳудудий сайлов округи тузилиши ҳамда ҳар бир

сайлов округидан битта депутат сайланиши белгиланган.

Ушбу нормадан кўриниб турибдики, Қонунчилик палатаси депутатлари сайлови тулиғича мажоритар сайлов тизимига мувофиқ ўтказилган, яъни муқобиллик асосида ўтган бир мандатли сайлов округларининг ҳар биридан сиёсий партиялар томонидан кўр-



сатилган номзодлардан бир нафари депутат этиб сайланган.

Эндиликда, Сайлов кодексига киритилаётган ўзгартириш ва қўшимчаларга мувофиқ, Қонунчилик палатаси депутатларининг 50 фоизи, яъни 75 нафари одатдагидек мажоритар сайлов тизимига мувофиқ бир мандатли сайлов округларидан сайланиши, қол-

ган 50 фоизи, яъни 75 нафари пропорционал сайлов тизими асосида ягона сайлов округида партиялар томонидан кўрсатилган депутатликка номзодлар рўйхати бўйича сайланиши тақлиф этилмоқда.

Муносабат

Сўнги вақтларда қабул қилинаётган қонунларнинг жамоатчилик муҳокамасига қўйилаётгани, ушбу жараёнда халқимиз фаол қатнашаётгани ҳамда ўз тақлиф ва мулоҳазаларини эмин-эркин билдираётгани ҳуқуқий ҳужжатларнинг ҳар жиҳатдан шиқлигини, ҳаётийлигини таъминлашга хизмат қилмоқда. Шунингдек, янги таҳрирдаги Конституциямизга киритилган нормалар ҳам мавжуд қонунчилигимизга сингдирилмоқда.

АРАЛАШ САЙЛОВ ТИЗИМИ:

МУҲИМ ҚОЙДАЛАР ВА ДЕМОКРАТИК ЁНДАШУВ



Зухра ИБРАГИМОВА,
Олий Мажлис Қонунчилик палатаси Спикери ўринбосари,
Ўзбекистон “Адолат” СДП фракцияси раҳбари

Шу нуқтаи назардан айтганда, бир гуруҳ депутатлар ташаббуси билан ишлаб чиқилган “Ўзбекистон Республикасининг айрим қонун ҳужжатларига сайлов ва референдум ўтказиш тартибини янада такомиллаштиришга қаратилган ўзгартириш ва қўшимчалар киритиш тўғрисида”ги Конституциявий қонун лойиҳаси қуйи палатанинг яқинда бўлиб ўтган мажлисида биринчи ўқишда қабул қилиниб, regulation.gov.uz порталига ҳамда parliament.gov.uz веб-сайтига умумхалқ муҳокамасига қўйилган эди.

Қайд этиш жоиз, ушбу қонун лойиҳасининг мазмун-моҳиятини аҳолига етказиш, муҳокамалар ўтказиш ва тақлифлар олиш мақсадида Олий Мажлис Қонунчилик палатаси депутатлари, Марказий сайлов комиссияси ҳамда Адлия вазирлиги вакиллари билан иборат Тарғибот гуруҳи Қорақалпоғистон Республикаси, Тошкент шаҳри ва барча вилоятларда аҳоли билан бир қатор учрашувлар ўтказди. Ўз навбатида, 18-20 октябрь кунлари Қорақалпоғистон Республикаси ва Хоразм вилоятига бириктирилган гуруҳлар томонидан маҳаллий депутатлар, сайлов комиссиялари, сиёсий партиялар, нодавлат-нотижорат ташкилотлари ва ОАВ ходимлари иштирокида ташкил этилган тадбирларда қонун лойиҳаси юзасидан фикр-мулоҳазалар, тақлифлар олинди.

Худудларда олиб борилган мулоқотларда аён бўлдики, халқимиз мамлакатимизнинг эртанги кунига, тараққиётига асло бефарқ эмас. Айниқса, лойиҳа билан юртимизда аралаш сайлов тизимига ўтилиши тақлиф қилинаётгани юзасидан кўплаб муносабатлар билдирилгани сайловларни профессионал, очиқ ва демократик тарзда ташкил этиш ва ўтказиш бугунги кунда муҳим аҳамиятга эгалигини намоян элади.

Шу ўринда Конституциявий қонун лойиҳасининг муҳим жиҳатларига тўхталиб ўтадиган бўлсак, энг аввало, ушбу ҳужжат билан сайловларнинг мажоритар ва пропорционал тизimini назарда тутувчи қойдалар Сайлов кодексига киритилаётганини таъкидлаш керак.

“ADOLAT” газетасига 2024 йилга обуна давом этмоқда
Обуна индекси — 100

“Adolat” ажралмас ҳамроҳимиз бўлсин!

БЛОГЕР
НИҚОБИДАГИ ФИРИБГАР

БАРЧА ЗАМОНЛАРНИНГ
БУЮК ДАҲОСИ

Маҳалла кутубхонасига
БЕШ ЮЗТА КИТОБ СОВҒА ҚИЛИНДИ

Янги ланишлар нафасидан яшнаётган воҳа

Муносабат

Қашқадарё нафақат ўзининг ер ости ва ер усти бойликлари билан, балки саноатда ишлаб чиқарилаётган, дунёга кўз-кўз қилса арзийдиган тайёр харидорғир маҳсулотлари билан ҳам салоҳияти ортиб бораётган вилоят. Бу ерда ҳар йили мамлакатимиз вилоятлари орасида энг кўп — 420 минг тонна пахта, 1,5 миллион тонна галла етиштирилади. Аммо яқин-яқингача етиштирилган пахтанинг бор-йўғи 6 фоизи вилоятда қайта ишланар, ип-калава, текстиль маҳсулотлари ишлаб чиқариш имконияти деярли йўқ эди. Президентимизнинг ҳар гал вилоятимизга таширлари чоғида бу масалага алоҳида эътибор бераётганликлари натижасида қисқа вақтда 6 та текстиль корхонаси фаолият бошлагани туфайли етиштирилган пахтанинг қарийб 60 фоиздан зиёди эндиликда вилоятимизнинг ўзида қайта ишланипти.



Саховатли Қашқадарё заминиде кейинги йилларда пахта хом ашёсини қайта ишлашга алоҳида эътибор берилаётгани туфайли янги-янги корхоналар ўз фаолиятини йўлга қўйди. Кўплаб тўқимачилик кластерлари ташкил этилди. “Чироқчи кластери” ҳам ўз фаолиятини бошлаганига ҳали кўп вақт ўтмаган бўлса-да, Чироқчи ва Кўкдала туманларидаги 8 минг гектардан зиёд майдонда пахта етиштирган 600 га яқин

фермер хўжалиги билан шартнома асосида иш олиб боради. Буандан ташқари, пахта хом ашёсини қайта ишлаш учун Кўкдала туманида ишга тушган йирик тикувчилик фабрикаси 28 миллиард сўмга барпо этилди. Шуниси эътиборлики, фабрикада “Темир дафтар” ва “Аёллар дафтари” да рўйхатда турган хотин-қизлардан 100 нафари касбга ўқитилиб, бандлиги таъминланди.

Депутатлик гуруҳларида

Халқ фаровонлиги йўлида



Даўйтбай ҚУРБАНИЯЗОВ,
Қорақалпоғистон Республикаси
Жўқорғи Кенгеси депутати

Жамият ва давлат тараққиёт этишида ҳар бир фуқаро ўз ҳуқуқ ва мажбуриятлари доирасида, зиммасига юклатилган вазифаларини сидқийдан адо этиши катта аҳамият касб этади. Қолаверса, ўз юрти ва давлатига меҳр-муҳаббат ва садоқат билан хизмат қилиши ҳар бир инсоннинг муқаддас бурчи ва энг олий саодатидир.

“Адолат” социал-демократик партиясида Қорақалпоғистон Жўқорғи Кенгеси ҳамда халқ депутатлари шаҳар ва туман Кенгашига сайланган депутатлар зиммаларидаги гоётада масъулиятли вазифаларни теран англаган ҳолда, ҳамиша халқ орасида, жамиятда мавжуд муаммо ва камчиликларни бартараф этиш, аҳолини қийнаб келаётган муаммоларга ижобий ечим топиш, бир сўз билан айтганда, фуқароларимизга муносиб турмуш тарзини яратиб бериш шарофтли вазифаларини адо этиш йўлида самарали фаолият кўрсатиб келишмоқда.

Худудий кенгашларда депутатларимиз сай-ҳаракатлари билан “Адолат” тамойиллари хайрихоҳ

бўлган кўнгилдилар кўпайиб, жорий йил бошидан буён “адолатчи”лар сафига яна 2738 нафар янги аъзо қабул қилинди. Шунингдек, партиямиз депутатлик гуруҳлари томонидан Қорақалпоғистон Республикаси Жўқорғи Кенгесидаги фракция ва кўмига мажлисларида, шаҳар ва туманлардаги доимий комиссия мажлисларида жами 77 та мажлис, сессиялар кун тартибига эса 80 та мажлис киритилиб, аҳоли муаммоларини ҳал қилувчи ижобий қарорлар қабул қилинишига муваффақ бўлинди. Депутатлар партиямиз Сайловолди дастурида назарда тутилган фуқаролар манфаатларининг ҳақиқий ҳимоячиси сифатида, уларни қийнаб келаётган турли ма-

салаларга муносиб ечим топиш мақсадида жорий йил бошидан бери турли йўналиш ва мавзуларда 763 та тadbир ташкил этилди.

Жумладан, партиямиз Сайловолди дастури ижросига йўналтирилган “Муаммо билан юзма-юз” лойиҳаси доирасида 215 та тadbир ташкил этилиб, 2026 та хонадон, 215 та хўжалик юритувчи субъектлар фаолияти ўрганилди, 219 та аҳоли муносабатлари кўриб чиқилди ва айнан мазкур муносабатлар асосида 21 та депутатлик сўровлари юборилди. Изланишлар, ўрганишлар, мавжуд муаммоларни ҳал этиш йўлида олиб борилган сай-ҳаракатлар эса, албатта, ўзининг ижобий натижасини бермоқда.

Фуқаролар сиёсий саводхонлигини ошириш бугунги кунда давлатимиз олдида турган энг муҳим масалалардан бири саналади. Партиямиз вакиллари бу борада ҳам фаоллик кўрсатган ҳолда, мунтазам равишда ўзларининг қатор лойиҳалари доирасида аҳолининг ҳуқуқий саводхонлигини оширишга муносиб ҳисса қўшиб келишмоқда. Жорий йил бошидан буён “Сиёсий-ҳуқуқий билимларни мустаҳкамлаш – демократик жамият пойдевори” лойиҳаси доирасида 213 та, “Бир адолатчи юз аёлга ҳимоячи” лойиҳаси доирасида 117 та, “Бир ойда бир иш ўрни” лойиҳаси доирасида ташкил этилган 49 та тadbир шулар жумласидандир.

Депутатлик гуруҳларида иш қизғин. Олий мақсад, жамиятда барқарор, аҳоли учун муносиб турмуш тарзини яратиш. Депутатларимиз вакилик институтининг асосий вазифаси ижро ҳоқимияти фаолиятини назорат қилиш эканлигини теран англаган ҳолда, халқ манфаатларини муносиб ҳимоя қилиш борасида кенг қўламли ишлар олиб боришмоқда. Депутатлар фаолиятидаги жадаллик ва аҳоли турмуш тарзини яхшилаш йўлида ҳамжихатликда олиб борилган ишлар натижаси ўлароқ бугун туман ва шаҳар Кенгашларидаги вакилларимиз фаолиятида жонланиш кузатилмоқда.

“Адолат” СДПнинг “Тозалик йўлида бирлашайлик” лойиҳаси жамоатчилик томонидан қўллаб-қувватланмоқда. Авваллари асосан баҳор ойларида ободонлаштириш ва тозалаш ишларини амалга оширишга ўрнатилган бўлса, эндиликда у доимий вазифамизга айланди. Зеро, озодлик саломатлик ҳам демакдир.

Обод жойда барака бўлади



Партиянинг Жалақудуқ туман кенгаши фаоллари ана шундай эзгу мақсад билан маҳаллаларга кириб борганда жамоатчилик вакиллари сафдошларимизнинг хайрли ташаббусига қўшилдилар. Хусусан, тумандаги “Қутлуғ” МФЙ Ширин кўчасида лойиҳа доирасида ташкил этилган тарғибот тadbiri маҳалла аҳолининг ўз хонадони ва кўчасига бўлган эътиборини оширди. Эрталабдан кексаю ёш ободонлаштириш ва тозалаш ишларига киришди. Биринчи куннинг ўзида 6 тоннага яқин маиший чиқинди белгиланган жойларга олиб бориб ташланди.

– Ободлик ҳамма вақт зарур, – дейди меҳнат фаҳрийси Шукрулло Ҳайитхонов.

– “Адолатчилар” томонидан олиб борилган тарғибот ишлари зиммамиздаги масъулиятни янада оширди. Обод жойда барака бўлади, дейдилар. Демак, маҳалламизга озодлик ва ободлик билан бирга барака ҳам қиради.

“Қутлуғ” МФЙда бошланган хайрли иш қўшни маҳаллаларга ҳам кўчи.

Анджон вилоят кенгаши
матбуот хизмати

Тиббиёт

Сўнгги беш йил ичида мамлакатимизда онкология соҳасини ривожлантириш тиббиётдаги устувор ва муҳим вазифалардан бири ҳисобланмоқда. Онкология соҳасига ажратилаётган маблағлар йил сайин ортиб бораётгани, дори воситалари билан таъминланиш даражаси 10-15 фоиздан 90-95 фоизгача ошгани, диагностика ва даволашнинг янги, юқори технологияли усуллари барча ҳудудий онкология филиалларида жорий этилаётгани аҳоли саломатлигини мустаҳкамлашда муҳим ўрин тутмоқда. Шу билан бир қаторда соҳада хорижий мутахассислар билан ўзаро ҳамкорлик ҳам ривожланмоқда.

Онкология соҳасидаги ислохотлар

аҳоли саломатлигини мустаҳкамлашга хизмат қилмоқда



Тоҳир ПАЛВАНОВ,
РИО ва РИАТМ Хоразм филиали директори,
“Адолат” СДП Хоразм вилоят кенгаши раиси

Жумладан, 2023 йил октябрь ойида Ўзбекистонда Ҳайдар Алиевнинг 100 йиллигига бағишланган саломатлик ҳафталиги ўтказилди. Ушбу ҳафталик доирасида онкология соҳасида ишловчи озарбайжонлик икки етакчи олим-шифокор Ўзбекистонда амалий фаолият кўрсатишди.

Мутахассислар ҳафталикнинг биринчи куни Республика ихтисослаштирилган онкология ва радиология илмий-амалий тиббиёт марказида маҳаллий шифокорлар билан давра суҳбати ўтказилди.

Абдоминал онкология бўйича мутахассис, Озарбайжон онкология миллий маркази абдоминал бўлими раҳбари Ниязи Аскеров 3 октябрдан 10 октябргача Хоразм вилояти онкология хасталигига чалинган 11 нафар беморда юқори технологик жарроҳлик амалиёти – лапароскопик ошқозон резекцияси, қорин бўшлиғи органлари реконструкцияси билан ошқозон ости беши резекцияси амалиётларини ўтказди. Шунингдек, Озарбайжон онкология миллий маркази билан филиалимиз ўртасида ҳамкорлик меморандуми имзоланди.

Юргимизда соҳага қаратилаётган эътиборни Хоразм вилояти аҳолисига ихтисослаштирилган онкология хизмати мисолида кўрадиган бўлсак, Республика ихтисослаштирилган онкология ва радиология илмий-амалий тиббиёт марказининг Хоразм филиали 125 ўринга мўлжалланган бўлиб, унинг қошида ташкил қилинган, кунга 150 нафар беморни қабул қилишга мўлжалланган поликлинника томонидан ва вилоятнинг шаҳарлари ва туманларида 13 та онкокабинетлар орқали халқимизга тиббий хизмат кўрсатиш амалга ошириб келинмоқда.

Ҳар йили ўртача 1300-1400 нафар бирламчи онкологик касалликлар аниқланади. Вилоят бўйича диспансер ҳисобида 7626 нафар бемор онкологик касалликлар билан ҳисобда туради.

2023 йилнинг 6 ойида вилоят бўйича хавфли ўсмалар билан бирламчи 748 нафар бемор ҳисобга олинган бўлиб, касалланиш кўрсаткичи 100 минг аҳолига нисбатан 38,2 га тенг бўлди.

Шунингдек, жорий йилнинг 6 ойи давомида биринчи bosқичда 95 нафар, иккинчи bosқичда 288 нафар, учинчи bosқичда 277 нафар ва тўртинчи bosқичда 48 нафар бемор аниқланди, 517 та умумий операциялар амалга оширилиб, 2500 нафар киметерапия ҳамда 261 нафар беморда нур терапияси ўтказилди.

Онкологик касалликларнинг профилактикаси, эрта диагностикаси ва даволаш билан бирга, ҳудудий онкология муассасаларининг моддий техник базасини tubдан яхшилаш, кадрларнинг малякасини ошириш, чет эл клиникалари билан ҳамкорликларни йўлга қўйиш борасида бир қатор амалий ишлар бажарилмоқда. Натижада 2018-2019 йилларда вилоятдан Тошкент шаҳрига 3000 нафардан ортиқ бемор (шундан 1700 нафарга яқини ордер ва 1500 нафарга яқин беморлар ўз хоҳишлари билан) бориб даволанишга мажбур бўлган бўлса, 2023 йилнинг ўтган 6 ойида ушбу кўрсаткич 96 нафарни ташкил этапти. Бу кўрсаткичлар соҳага қаратилаётган эътибор ва яратилган имкониятлар маҳсулидир.

Обуна-2024



“ADOLAT” ажралмас ҳамроҳимиз бўлсин!

Алимардон АКРАМОВ,
Фарғона вилоят кенгаши бош мутахассиси,
“Ёшлар қаноти” раиси

Инсон яралибдики, ҳамиша ҳақ учун ва ҳақсизликка қарши курашиб яшайверади. Ҳақиқат қарор топиши учун курашлар баъзан инсоннинг тинканини қуритса, унга эришгандаги қувонч умрига умр қўшади. Адолат бор экан, инсон орзу-ҳаваслари куш қаноти-дек кўкларга бўй чўзаверади.

Ўзбекистон «Адолат» социал-демократик партияси Бувайда туман кенгаши раиси, халқ депутатлари туман Кенгаши депутати Хайрулло Турғуновни бувайдалиқлар «Адолатчи тоға» деб қадрлашади.

– Мени туманда шундай аташларининг ўзига хос тарихи бор, — дейди Хайрулло Турғунов. — Бундан 10 йилча аввал «Adolat» газетаси қўлимга тушиб қолди. Газета саҳифаларини бирма-бир varaқлар эканман, ҳар бир мавзуси бир

олам маънога эга эканлигини ҳис қилдим. Мен «Adolat» саҳифалари орқали адолатли бўлишни ўргандим, одамларга адолат қарор топиши учун курашишни ўргатдим.

Қайси таълим муассасасига ёки хизмат кўрсатиш тармоғига кириб бормаи, ҳар бир нарса адолат мезонларига хизмат қилишни назорат қиламан. Адолатсизлик билан мурося қилолмайман. Ҳар йили «Adolat» газетаси учун обуна мавсуми бошланиши билан кўчага отланаман. Инсон адолатни, аввало, ўзиндан топиши керак, атрофдагиларга адолатли муносабатда бўлиши учун ҳам унга билим зарур, бунга эса «Adolat»ни ўқиши ва ўқиши орқали ҳам эришади. Шу сабабли савдо шаҳобчасими, поликлиника ё таълим масканими, қаерда

бўлсам, элдoshларимни «Adolat» газетасига обуна бўлишга даъват этаман. Бувайдалиқлар мени чорловимга ҳаммиша «лаббай», деб жавоб беришади.

Бу йил ҳам жим ўтирганам йўқ. Шу кунларда қишлоғимизда йигирмадан ортиқ киши газетамга обуна бўлишди. Бу ишларни тўхтатмайман. Қайси ташкилотга, хонадонга кириб борсақ, «Adolat» газетасини қўришни орзу қиламан. Ахир адолат инсон қадрини улуглайдиган неъмат.

Хайрулло аканинг сўзларини тинглар эканман, у кишига ҳавасим келди. Беҳтиёр туман почта бўлимига келиб қолганимни билмай қолгиман. Мен ҳам шу кун «Adolat» газетасига обуна бўлдим. Ишончимиз ўз йўлига, аммо уйимизда ҳам «Адолат» бўлгани бошқача-да...

Фракция йиғилиши



Олий Мажлис Қонунчилик палатасидаги “Адолат” СДП фракциясининг навбатдаги йиғилишида “Ўзбекистон Республикаси Олий Мажлисининг Бола ҳуқуқлари бўйича вакили (Болалар омбудсмани) тўғрисида”ги қонун лойиҳаси биринчи ўқишда кўриб чиқилди.

Инсон ҳуқуқлари бола ҳуқуқларини таъминлашдан бошланади

Мамлакатимизда боланинг ҳуқуқлари, эркинликлари ва қонуний манфаатларига риоя қилиш ва уларни ҳимоя қилишга, бола ҳуқуқлари, эркинликлари ва қонуний манфаатларини таъминлаш соҳасидаги қонунчиликни такомиллаштиришга, ногиронлиги бўлган болалар ва ота-она қарамоғидан маҳрум бўлган болаларни давлат томонидан қўллаб-қувватлашга қаратилган кенг қўламли ишлар амалга оширилмоқда.

Миз ворислари бўлган болалар мамлакатнинг катта ҳазинасидир. Йиғилишда қайд этилганидек, бугунги кунда миллий қонунчилигимизда бола ҳуқуқлари билан боғлиқ қонун ҳужжатлари сони 40 дан, қонун-оғози ҳужжатлари сони 500 дан ортиқни ташкил этади. Бу эса бола ҳуқуқлари соҳасидаги қонунчилик билан ихтисослашган ҳолда иш олиб бориш ҳамда унинг ижроси бўйича таъсирчан механизмларни яратиш заруриятини юзага келтирмоқда.

Қизғин давом этган баҳс-мунозаралардан сўнг, қонун лойиҳаси депутатлар томонидан маъқулланди. Йиғилишда кун тартибидан ўрин олган бошқа масалалар ҳам кўриб чиқилиб, тегишли қарорлар қабул қилинди.

“ADOLAT” тарозиси

Блогер. Бу Янги Ўзбекистонга хос янги сўз. Президентимиз Шавкат Мирзиёев томонидан олиб борилаётган очиқлик сиёсати блогерларнинг ҳам эмин-эркин фаолият юритиши учун кенг имкониятлар яратди. Натижада айрим ҳолатларда мамлакатимизнинг турли ҳудудларидаги энг озғиқли муаммолар айнан блогерлар томонидан жамоатчилик эътиборига ҳавола этилиб, изобий ечимларини топмоқда. Аммо...



БЛОГЕРНИҚОБИДАГИ ФИРИБГАР

Пўлатжон МАМАТУСМОНОВ, жиноят ишлари бўйича Қўқон шаҳар судининг судьяси

Аммо шולי курмаксиз бўлмаганидек, айрим устаси фаранг кимсалар блогерликни ўзларига ниқоб қилиб олиб, шахсий манфаати йулида турли жиноятларга қўл уришмоқда. Келинг, гапимиз куруқ бўлиб қолмаслиги учун ҳаётий бир мисолга эътиборингизни қаратсак.

Ўтган 2022 йилнинг июль ойида Диёрбек шаҳардаги “Хонсарой” чойхонасида фуқаро Холмурод Эргашбоев билан танишиб қолади. Бунга эскидан салом-алиқ қилиб юрган таниши Рашид Тўлқиновдан бохабар бўлгани боис муружаат қилганди.

қилиб беришини ва ўша пайтда Рашиднинг масаласини ҳам гаплашишини айтиб, Холмуроддан пул сўрайди. Х.Эргашбоев Данғара туманидаги эҳтиёт қисмлар бозори ёнида унга 500.000 сўм беради. Ўша кун тунги соат 23:00ларда эса блогер йигит Холмуродга кўнги-роқ қилиб, бирор жойда учрашиб, гаплашиб олишлари кераклигини айтади. Шундан кейин улар шаҳардаги “Хонсарой” чойхонасида учрашади.

талади. Мазкур ишни кўриб чиққан жиноят ишлари бўйича Қўқон шаҳар суди эса уларни Жиноят кодексининг 25-, 168-моддаси 3-қисми “а” банди ва 28-, 211-моддаси 2-қисми “б” банди билан айбдор деб топиб, озоқликдан маҳрум қилиш жазосига маҳкум этди.

Парламент назорати

ДОРИ-ДАРМОНЛАР САВДОСИ талаб даражасидаму?

“Дори воситалари ва фармацевтика фаолияти тўғрисида”ги қонуннинг 18-, 19-, 20-, 21-моддалари ижро этилиши ҳолатини назорат-таҳлил тартибида ўрганиш якунига бағишланган кенгайтирилган йиғилиш Олий Мажлис Қонунчилик палатаси Фуқароларнинг соғлигини сақлаш масалалари қўмитаси томонидан Соғлиқни сақлаш вазирлиги мутасаддилари, Фармацевтика тармоғини ривожлантириш агентлиги, Андижон, Фарғона ва Сирдарё вилоятлари соғлиқни сақлаш бошқармалари масъул раҳбарлари иштирокида ўтказилди.



Қайд этилганидек, кейинги йилларда мамлакатимизда аҳолини ва соғлиқни сақлаш муассасаларини арзон фармацевтика маҳсулотлари билан таъминлашни яхшилаш, фармацевтика тармоғини ривожлантиришга алоҳида эътибор қаратилмоқда. Янги таҳрирдаги “Дори воситалари ва фармацевтика фаолияти тўғрисида”ги қонун ҳамда 2020—2024 йилларда Ўзбекистон Республикасининг фармацевтика тармоғини ривожлантириш концепцияси ушбу йўналишдаги ишларни тизимли ташкил этишда муҳим ҳуқуқий асос бўлмоқда.

Йиғилишда Соғлиқни сақлаш вазирлиги тизими ҳамда Андижон, Фарғона ва Сирдарё вилоятларида “Дори воситалари ва фармацевтика фаолияти тўғрисида”ги қонуннинг тегишли моддалари ижроси юзасидан амалга оширилган ишлар атрофида таҳлил қилинди. Асосий эътибор аҳолини зарар ва сифатли дори воситалари ҳамда тиббий буюмлар билан таъминлаш, соғлиқни сақлаш тизимида электрон рецетп тизимини жорий этиш, дори воситалари ва тиббий буюмларни ишлаб чиқариш, олиб кириш ва айланмасини ҳисобга олиш механизмларини тубдан такомиллаштириш, дори воситаларининг ноқонуний айланиши ва уларнинг суистеъмол қилинишининг олдини олиш, кучли таъсир қилувчи моддалар айланишини тартибга солиш борасида мавжуд муаммолар ва уларни бартараф қилиш масалаларига қаратилди.

Ўз мухбиримиз

Ҳуқуқингизни биласизми?

“Никоҳ, оила ва фуқаролик ҳолати далолатномаларини қайд этиш соҳасидаги норматив-ҳуқуқий ҳужжатларни тизимлаштириш тўғрисида”ги ҳукумат қарори (550-сон, 20.10.2023 й.) қабул қилинди

- Қарорга кўра, қуйидагилар тасдиқланди:
- Фуқаролик ҳолати далолатномаларини ёзиш органлари тўғрисидаги низом;
- Фуқаролик ҳолати далолатномаларини ёзиш органлари ходимларининг сонини белгилаш тартиби тўғрисидаги низом;
- Фуқаролик ҳолати далолатномаларини қайд этиш қоидалари;
- Туғилганликни қайд этиш билан боғлиқ комплекс давлат хизматларини кўрсатишининг маъмурий регламенти;
- Ўлимни қайд қилиш билан боғлиқ композит давлат хизматларини кўрсатишининг маъмурий регламенти.
- Янги гербли гувоҳномалар берганлик учун (ўлим ҳақидаги гербли гувоҳномалар ҳамда етим болалар ва ота-онасининг қарамоғидан маҳрум бўлган болаларни тарбия муассасаларига жойлаштиришда берилган туғилганлик ҳақидаги гербли гувоҳномалар бундан мустасно) герб йиғими БҲМнинг 15 фоизи миқдориди ундирилади.
- Шунингдек, фуқаролик ҳолати далолатномаларини ёзиш органларининг архив маълумотларини рақамлаштириш натижасида турли йиллар давомида бир хил серия ва рақамли туғилганлик ҳақидаги гувоҳномалар расмийлаштириб берилганлиги ҳолатлари аниқланган тақдирда, ушбу гувоҳномаларни қайта расмийлаштирганлик учун герб йиғими ундирилмайди;
- ФХДЭ органлари тегишли ёзувлар орқали қуйидаги фуқаролик ҳолатлари далолатномаларини қайд этади:
- туғилганлик ҳақида; никоҳ тузиш ҳақида; никоҳдан ажрალიш ҳақида; ўлим ҳақида.
- Фуқаролик ҳолати далолатнома ёзувлари давлат аҳамиятига молик ҳужжатлар ҳисобланади, бир нусхада тузилади ва ФХДЭ органларида қайд этилган вақтдан бошлаб 75 йил мобайнида сақланади.
- Фарзандликка олиш, оталиқни белгилаш, фамилия, исм ва ота исмини ўзгартириш, жинсини ўзгартириш каби воқеа ва фактлар юқорида санаб ўтилган фуқаролик ҳолатлари далолатномаларида уларга тегишли ўзгартиришлар қиритиш орқали акс эттирилади.
Манба: t.me/huquqiyaxborot

Ташаббус қўллаб-қувватланмоқда



Маҳалла кутубхонасига БЕШ ЮЗТА КИТОБ СОВҒА ҚИЛИНДИ

Косонсойлик Аъзамжон ҳожи Мамажонов ўтган йили тумандаги «Бог кўча» ва «Озод» маҳалла фуқаролар йиғинлари ташкил этилган манзилда ўз ҳисобидан кутубхона ташкил этган эди. Мазкур кутубхона фаолиятини бошлаган чоғда туман ҳокими Дилмурод Қодиров минга яқин ўзбек ва чет эл адибларининг асарларини ва ўқув хонаси жиҳозларини топширганди.

Ўшандан буён қўллаб қўйиб қўлланган кишилар ҳам шахсий жагонларидики китобларнинг сараларини ушбу кутубхонага тақдим этишди.

Ўзбек тили байрами арафасида эса мазкур кутубхона янада бойиди. Жумладан, Республика Маънавият ва маърифат маркази Наманган вилоят бўлими раҳбари, вилоят кенгаши депутати Мусохон Олпоқов бир талай китоб совға қилди.

Дарвоқе, «Adolat» газетасининг жорий йил 13 октябрь сонидан

эълон қилинган «Қардошлиқнинг мангу ришталари» мақоласида мазкур зиё маскани ҳақида шундай дейилган: «Косонсойлик адабиёт фидойиси, шеърят шайдоси Аъзамжон ҳожи Мамажонов ўз ҳисобидан очган кутубхонада бўлди. Шу ўринда таъкидлаб ўтишни истардикки, «чекка бир қишлоқнинг, чекка уйда», буниги устига ўз шахсий маблағи ҳисобидан, айрим «замонавий тадбиркорлар»нинг ҳайратда қолдириб, бирон-бир моддий манфаат кутмасдан кутубхона очган ин-

сонга қўйил қолдиқ. Тўғри, кутубхона фонди жуда катта эмас. Кутубхонада турли йўналишлар ва мавзулардаги 1500 га яқин китоб тўпланган. Лекин савоб ишга бош қўшишни истаган зиёли инсонлар ҳисобига китоблар сони кундан-кунга кўпайиб бормоқда экан. Биз ҳам ана шу савобли ишга шеърлик бўлиш мақсадида кейинги келишимизда, албатта, кутубхонага китоблар совға қилишни ният қилдик».

Ният ижобати билан гузал. Айна тил байрами нишонланаётган кунларда «Adolat» социал-демократик партияси нашри бўлган «Adolat» ижтимоий-сиёсий газетаси бош муҳаррири Ислол Ҳамроев атай пойтахтимиздан келиб, кутубхонага ўзбек адибларининг беш юзта сара асарларини тақдим этди.

- Аъзам ака азалдан китобсе-

вар инсон, - деди тақдимот маросимида иштирок этган «Adolat» СДП вилоят кенгаши раиси Исроил Жўраев. - У киши кўндан буён ижод аҳлини қўллаб келади. Жумладан, Аъзам аканинг савоб-ҳаракати билан ўнлаб ҳаваскор ижодкорлар шеърлари жамланган тўплам, ёш шоир Обидхон Мамадалиевнинг китоби чоп этилди. У кишининг ташаббуси билан маҳалла кутубхонаси ташкил этилганнинг ўзи катта воқеа бўлган. Бундай инсонларни ҳар қанча эъзозласак арзийди.

Китобларни мамнуният билан қабул қилиб олган маҳаллалараро кутубхона мудираси Назира Мамажонова маърифат фидойиларига чин кўнгилдан миннатдорчилик билдирди.

Наманган вилоят кенгаши матбуот хизмати

“ МАҒЗИ ТўҚ ФИКРЛАР

Кимки воболарнинг шуҳрати билан мақтанаверса, авлодларнинг ақлига зомин бўлади.

Абу Райҳон БЕРУНИЙ

Инсонни ахлоқ жиҳатидан тарбияламасдан туриб интеллектуал жиҳатдан тарбиялаш - жамият учун таҳдида демакдир.

Теодор РУЗВЕЛЬТ

Истеъдодсизликни истеъдод ўлароқ қабул қилган адабиёт ўқувчини адабиётдан бездиради. Шунинунутмангки, адабиётнинг кушандаси адабиётдир.

Хорхе Луис БОРХЕС, аргентиналик адиб

Ҳамма нарсани ўқийвериш ярамайди, анда туғилган саволларга жавоб бера оладиган китобларнинггина ўқиш керак.

Лев ТОЛСТОЙ

Яна 10 йиллардан сўнг қўлга китоб ушлаган бирорта ўқувчи ёки талабани кўриш қийин бўлиб қолади деб қўрқаман!

Сергей КАПИЦА,

физик олим, академик, 2012 йилги чиқишдан



Ибраг

ДУНЁДА КИМ КўП Ўқийди?

Хитой, ҳинд, рус, испан ёки японлар дейишга шошилманг!
Йилига 1000 номдаги китоб ўн минглаб адабда (!) босиладиган, минг кишига 3 тадан асар тўғри келаётган Исландияда дунёдаги энг китобсевар халқ яшайди. Оддий балиқчициям овдан келиб китоб ўқи-маса, кўнгли жойига тушмайди.

Аҳолиси бир ҳовуи - 347 374 киши (2023 йил). Ҳар бир фуқаро кунига ўртача 8-9 соатни ўқиб-ўрганшига сарфламаса, ҳисобмас.

ДИҚҚАТ, ЭЪЛОН!

Ўзбекистон «Адолат» СДП Сийсий Кенгаши Марказий аппарати томонидан анъанавий тарзда «ВАТАН КЕЛАЖАГИ ЁШЛАР ҚўЛИДА» лойиҳаси доирасида «КОНСТИТУЦИЯ БИЛИМДОНИ» кўрик-танлови ўтказиб келинмоқда. Жорий йилда кўрик-танлов 2023 йил 30 апрель куни бўлиб ўтган умумхалқ Референдумида қабул қилинган Ўзбекистон Республикасининг янги таҳрирдаги Конституцияси асосида ташкил этилади.

Кўрик-танловнинг мақсади ёшларнинг Конституция бўйича билимларини юксалтириш, уларни Ўзбекистон Республикасининг Конституциясига ҳурмат руҳида тарбиялаш, уларда фаол фуқаролик позициясини янада мустаҳкамлаб, ҳуқуқий ва сиёсий жиҳатдан иқтидорли ёшларни аниқлаш ва рағбатлантириш ҳамда «Адолат» СДП дастурий мақсад ва вазифаларини тарғиб қилишдан иборат.

Шу муносабат билан жорий йилнинг 24 октябрь – 4 ноябрь кунлари оралигида Республика буйлаб барча коллеж, техникум ва ОТМлар тасарруфидоги академик лицейларнинг 2-босқич ўқувчилари орасида туман босқичида иштирок этиш учун саралаш босқичи ўтказилади.

- Кўрик-танлов тартиби тизимида уч босқичда ўтказилади:
- 1-босқич: саралаш (туман, шаҳар) босқичи (4 - 14 ноябрь оралиғида);
 - 2-босқич: худудий (Қорақалпоғистон Республикаси, вилоятлари ва Тошкент шаҳри) босқичи (15 - 25 ноябрь оралиғида);
 - 3-босқич: якуний (республика) босқичи (25 ноябрь - 5 декабрь оралиғида).
- Мазкур кўрик-танловда барча профессионал таълим муассасалари ва олий таълим муассасалари тасарруфидоги академик лицейларнинг 1 нафар 2-босқич ўқувчилари иштирок этишлари мумкин.
- Азиз ёшлар, юртимиздаги ислохотларга бефарқ бўлманг, Конституция бўйича билимларингизни синая қуринг.
- (Кўрик-танловда иштирок этиш учун маҳаллий тартиб ва кенгашларига мурожаат қилишнинг ва Низомига асосан талаб этиладиган ҳужжатларни тақдим этишингиз лозим.)

«Адолат» СДП Сийсий Кенгаши Қашқадарё вилоят кенгаши раиси ўринбосари Абдулазиз Абдиевга отаси

Абдурахмон АБДИЕВнинг вафоти муносабати билан таъзия билдиради



Бугунги ёшлар китоб ўқимай қўйди, деган гапга ўрганиб қолдик. Аслида ҳам шундайми? Йўқ! Партиянинг Избоскан туман кенгаши ташаббуси билан «Кўгай» МФЙ худудидоги 24-умумтаълим мактабидоги партиянинг «Ватан келажакга ёшлар қўлида» лойиҳаси доирасида ўтказилган «Намунали китобхон қиз» кўрик-танловида шундай ҳулосага келдик.

Тадбир иштирокчилари асосан ўқувчи қизлар. Улар иккита шарт бўйича беллашдилар. Биринчи шартга кўра ўқилаётган асарни давом эттириш талаб этилса, иккинчи шарт ана шу асар асосида сахна кўриниши тайёрлашдан иборат.

Китобхон қизлар чиндан ҳам билимли. Нутқ маданияти, сўз бойлиги, миллий адабиётимизни чуқур ўрганиш борасида бир-бирдан қолишмайди. Саҳнадаги маҳоратларига ҳам ҳавас қилса арзийди.

- Китобхонлик маданиятини мактабдан бошлаш тарафдоримиз, - дейди «Адолат» СДП Избоскан туман кенгаши раиси Дилфуза Аҳмедова. - Шу сабаб бугунги тадбирга ўқувчи-қизларни тақриф этдик. Китоб ўқиган қиз оилага ҳам тайёр бўлади.

Ёшларни китоб ўқишга даъват этишни ўз олдига мақсад қилиб қўйган тадбир маънавият байрамига айланди.

Анджон вилоят кенгаши матбуот хизмати

Билимдон қизлар саҳнада

